



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

xxj Albanus auß Macedonia ghen Mayntz kommen.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Al
D
xxj
Alba-
nus.

Sancet Albanus ist erstlich ein Christlicher
Bischoff in Macedonia zu Philippis ge-
wesen / Dieweil er aber der Arrianischen Se-
cten hafftig zu wider gewesen / ist er von jnen ver-
trieben worden / vnd ad Leonem I. gen Rom
kommen / vonn dannen ist er ghen Meylande
gezogen / vnd sich daselbst mit Doctor Am-
brosio Bischoff des orths / inn Religions sa-
chen Christlich vnd freundlich besprochen.
Nach dem sich aber der heylig Albanus gnug-
sam mit dem heyligen Ambrosio besprochen /
ist er ganz friedlich von ihm abgeschieden / vnd
hin vnd wider / durch Teutschlandt gezogen /
vnd wider die Arrianische Sect geprediget /
vnd dieselbig genugsam auß dem heyligen
Euangelio widerleget / Endlich ist er ghen
Meins komen / vnd von den vngläubigen Ty-
rannen vmbbracht worden / zu der zeit Theo-
dosij Junioris. Den Tempel vnd Stiff S.
Albani / hat Marggraff Albrecht vonn Bran-
denburg / neben dem Schloß / Carthus vnd
anderen / verheert / vnd verbrandt / Im Tau-
sendt fünff hundert zwey vnd fünffzigsten jar.